

Суббота, 18 октябрь 1941 а.
№ 84 (895)
11-тй АРЗЭ ПОТЭ.
Дуныз: толэзлы 45 коп.

УДАРНИК

ВКП(б)-лэн М-Пургинской
Райкомезлэн но Райсоветлэн
органы.
(Адрес: с. М-Пурга, УАССР)

Дисциплина решать каре ваньзэ

Обороналэн Государственной Комитетезлэн „СССР-ысь граждан'ёсты военной ужлы одно ик всеобщий дышетон сярсы" постановленияз гожтэмын: „СССР-ысь котькуд гражданин, кудйз оружие нуллыны быгатэ, военной ужлы дышетэмын мед луоз, чтобы дась луыны кие оружие кутыса родинамес защищать карыны".

Районысь тросэз трудящийёс тае умой валазы. Дышетыны кутсконлэн нырысетй нуналаз ик учебной пункт'ёсы лыктыса военной ужлы дышетскон борды мыльсы-кыдысь кутскизы. Командир'ёслэсь но политработник'ёслэсь верамзэс, валэктэмзэс сак кылзыса сое усвоить карыны но практикаын четко, по-военному быдэстыны тыршо.

Ваньмаз учебной пункт'ёсын дышетсконлэн нырысь час'ёсаз боец'ёс тодматскизы РККА-лэн дисциплинарной уставыныз, кудйз быдэсак применятся карыськоз ваньмаз сборной пункт'ёсын. Боец'ёс, куд'ёсыз сюлмысь тыршо военной ужен овладеть карыны но сак кылзо командир'ёслэсь верамзэс, дисциплинаын пичи но нарушениос лэстытэк, сое юнматыны понна командир'ёслы но политработник'ёслы юртто.

Нимыстыз умой пунктэмын военной ужлы дышетон „10 лет УАО" совхозын но Ср-Кечевской сельсоветыны. Совхозысь учебной пунктлэн начальникез Ершов эш но комиссарез Лебедев эш асьсэос та уж борды бадзым мылкыдэн, нод-нод кутскизы. Сыче ик Ср-Кечевской сельсоветысь учебной пунктын, кудйзлэн начальникез Мерзляков эш но сборной пунктлэн комиссарез Данияров эш. Тани, та кык пункт'ёсын дыраз дасямын вал умоесь помещениос, юн пунктэмын боец'ёс пöлын воинской дисциплина.

Заятиос татын умой ортчыт'ясько, программа. Одыг минутэз но дыр юнме уг быры. Паськыт пунктэмын политмассовой уж. Сборной пункт'ёслэн комиссар'ёсы боец'ёсты тодматскыто берло выль ивор'ёс-

ын, лэстыло дисциплинаез юнматонэн герзаса беседаос.

Озы пуктэмын луыны кулэ военной ужлы дышетскон ваньмаз учебной пункт'ёсын. Сое куре али дыре кылдэм тужгес кышкыт военной обстановка ваньмызлэсь боец'ёслэсь, командир'ёслэсь но политработник'ёслэсь. Верано усе, что асьмелэн куд-огаз учебной пункт'ёсын туннэ нуналозь военной ужлы дышетсконлы тырмымон саклык классной занятияос ортчыт'яны понна помещение гинэ но вис'ямтэ.

Куд-огаз граждан'ёс родинамы вылын кылдэм кышкытлыкэз но кызыны но валаны уг туртско. Вель али, мирной дыре сямен, буйгатскем мылкыдын уло. Военной ужлы дышетскыны кулэзэс тодыса но учебной пункт'ёсы ветлытэк гуртазы гань-гань кыллэ. Сычеосты сельисполком'ёс но колхозной кивалт'ясьёс тодо ке но уждра уг кудо. Нош куд-огаз боец'ёс воинской дисциплинаез тйаса, нокинлэсь катэк, асьсэ тодэменызы командировкаосы ветло, занятияосы пропускать каро.

Вань та выль возматэм тырмытэос кыл вератэк чутрак быдтэмын луыны кулэ. Ваньмаз ик учебной пункт'ёсын пуктоно чурят воинской дисциплина. Военной занятияосы ветлысьтэм'ёслы но занятияосы бере кылыса ветлысьёслы уждра кутонно дезертир'ёслы сямен.

Родинамы вылын кылдэм кышкытлык куре котькуд советской гражданинлэсь военной ужез жоггес но отличнолы киултыны, быдэсак дась луыны кие оружие кутыса родинаез защищать каронэ султыны. Та задачаез быдэстыны быгатэ котькудыз кияз оружие кутыны быгат'ясь гражданин. Кулэ тупатыны чурят воинской дисциплина гинэ. Дисциплинаез юнматэм бордысен зависеть каре ваньмыз.

Тупатэм программа военной ужлы „отлично" гинэ дышетскыса султом РККА-лэн радаз! Киямы кужмо оружиен пазьгом урмем Гитлерлэсь полчищеосэ!

ОБОРОНАЛЭН ФОНДАЗ

Вань тросмиллион'ем советской калык отечественной войналэн кышкыт нунал'ёсаз тыршо—жоггес быдтыны виро германской фашизмез.

Советской калыклэн яркыт патриотизмез адске отысь но, что солэн инициативаез'я кылдытэмын страна-лэн

оборонаезлы народной фонд.

Страналэн оборонаезлэн фондэз нуналмысь будэ. Районысь трудящийёс обороналэн фондаз сётйзы 16100 манет тыр государственной заемлэсь облигациосэ но 350 манет коньдонэн.

В. Федоров.

Кызы танкист Кожемячко но солэн боевой эш'ёсыз пазьгизы тушмонлэсь лыдыз'я уно поллы трос кужымзэ

Действующей армиись гожтэт

Кужмо боевой машина мынйз куашкатэм шоссе вылтй. Паллян но бур палась адскылызы бомбослэсь но снаряд'ёслэсь муресь гуос. Безжизненно ошыл'яскизы телефонной провод'ёс.

Танк пырыз Б. местечкое, кытын кыктэтй сутказэ ни мынйзы жугиськон'ёс. Асьме частьёс сэзь отстаивать каризы советской муз'емлэсь котькуд висьсэ. Местечко сьбрысь кыл'яскилыз пулемет'ёслэн тачыр-тэмзы. Гудыр'язы пушкаен ыбыл'яскон'ёс. Командирской пункт доры танк дугдиз. Старшой лейтенант Кожемячко вань правилоос'я мынйз группалэн командирез доры но доложить кариз, что экипаж но машина дасесь боевой приказэз быдэстыны.

Кожемячко эш данэз'я тодмо, со войналэн нырысь нунал'ёсысеныз мужественно жугиське тушмонэн. Соиш Чош сэзь громить каро тушмонэз танкист'ёс Жабин, Точкин, Гришин но Верховский.

Боевой задача гласить кариз—котькыче дунын шур вамен потонэз отстоять карыны.

Танк выж доры лыктйз но тушмонлэн наступать карись пехотаез'я орудийной но пулеметной тыл усьтйз. Фашист'ёс куалектйзы но берлань кошкызы. Көнэ ке минут ортчыса тушмон усьтйз артиллерийской тыл сухопутной броненосец'я, кудйз Чоктаз солэн пехотаезлэсь сюресэ.

Нунал лумбыт, Чукна дасысен жыт сизыым часозь, кужмо советской танк нуиз неравной жугиськон, шур вамен потонэз отстаивать карыса.

Уин ми доры лыктйз подкрепление—көнэ ке танк'ёс но пехота. Ожытак капчигем луиз возиськыны. Чукна вазь гудыр'яны кут-

скизы фашистской орудииос—тушмон дасяз шур вамен потон'я выль шуккет.

Тани тямыс фашистской танк'ёс лыктйзы атакае. Кожемячко эш, аслэстыз машинаез умой маскировать карыса, фашистской танк'ёсты 20—30 метре матаз лэзиз но команда сётйз:—Шонер наводкаен огонь!

Гудыр'яны кутсызы ыбылон'ёс. Нырысез, командирской, танк соку ик погыраз гурезь улэ. Кыктэтйез жуаны кутскиз. Кылем'ёсыз бесславно берыктйськызы берлань.

Атака отбить каремын. Но та вылын уж дз быры. Көнэ ке минут ортчыса, фашист'ёс атакае куштйзы не 8 ни, а 30 танк'ёсты. Таяз дыре Кожемячко эшлэн сухопутной броненосецезлы юрттыны выступить каризы асьмелэн ваньмыз укмыс танк'ёсмы но пехота.

Жугиськон вал пöсь. Но и таяз дыре но фашист'ёс отбить каремын вал,—жугиськонлэн бусыяз соос кельтйзы 13 куашкатэм машинаоссэс но трос вием солдат'ёссэс. Асьмелэн частьмы выжиз контратакае, но местечко бастэмын вал.

Кык нунал'ем жугиськон'ёслэсь итог'ёссэ лыд'ям бере тодмо луиз, что старшой лейтенантлэн Кожемячколэн одйг экипажез гинэ быдтйз тямыс вражеской танк'ёсты, көнэ ке орудииосты но противниклэсь трослыд'ем улэп кужымзэ. Экипажлы вуиз фашистской знамя.

Кожемячко эш талам танк'ёс пöлысь одйгэз буксирен ваиз железнодорожной станции.

Красноармеец И. Севостьянов.

Юго-Западной направления.

(„Комсомольской правда" газетэсь).

Действующей Армия.

Советской Союзлэн Героезлэн капитан А. А. Красновлэн командованиез улсын Н-ской часть С. городысь фашистской дивизиез улляз, со дыре быдтэмын 60-лэсь но уно танк'ёс, трос автомашинаос, мотоцикл'ёс, орудииос.



Советской Союзлэн Героез капитан Краснов эш (бурпаласез) но старшой политрук-орденоносец Оньков эш.

ТАСС-лэн Фотохроникаез.

Азинлыко ужало

Шуньт дйсь но пыдкучан люканы кутскем дырысен нуналлы быдэ приемочной пунктлэн склад'ёсаз мынйсь трудящийёслэн лыдыз будэ. Соос ваньзы вайыны кутскизы шуньт дйсьёс. Колхозник'ёслэн, рабочийёслэн но служащийёслэн семьяосы приемочной пунктлэн склад'ёсаз вайыло гынсапег'ёс, посэм но посымтэ ыж куос, ыжгон, носкиос, пöзьёс, ватной фуфайкаос, брюкиос, ызыиос, одеал'ёс но мукет шуньт дйсьёс.

Колхоз'ёс асьсэлэн инициативазы сапег лэстыон, ку посон но вуриськон мастерскойёс усьтылыны кутскизы. Та дыр'я ужало 2 вуриськон мастерскойёс. Полушубок'ёс, пöзьёс но носкиос дасян бордын ужало 35 мурт. Ужало гынсапег лэстыон 4 мастерскойёс: соос пöлысь 3-ез колхозной но одйгез интыгось промышленностьлэн. Та мастерскойёсын ужало 28 мурт. Соос боец'ёс понна колхоз'ёслэн но колхозник'ёслэн сётэм ыжгонзылэсь 200 пар гынсапег гындйзы. 3 ку посон мастерскойёсын ужало 12 мурт, соос 13 октябрь азелы посйзы 250 ыж-ку. Адямиос фронт понна дугдылтэк, жаденэз валатэк ужало но котькудыз жуа мылпотонэн, чтобы кызы ке но жоггес быдтыны сьбсь тушмонэз но адями сийсь Гитлерлэсь бандазэ.

П. Иванов.



Действующей Армия.

Трудящий'ёслэсь салам'ёссэс передовой позициосын боец'ёслы люкылон. (Западной направления).

ТАСС-лэн фотохроникаез.

Действующий Флот



Паллянысен буре: краснофлотец'ёс В. С. Никитенко, 2-ти статьялен старшинаез М. В. Мисько но краснофлотец А. Ф. Строкин. Соослен туж умой ужаменызы котыкыче условиосын корабль отлично маневрировать карыны быгатыз. ТАСС-лэн Фотоез.

НЫРЫСЬ НУНАЛЭ

Ильинской сельсоветысь трудящийёс, куд'ёсыз орточо луо всеобщой военной дышетсконэз, всеобучлэсь нуналэз умой пумитазы. Ваньзы соос, одызгы кылытэк, 6 октябре лыктызы сборной пунктазы. Сельсоветысь ваньмыстыз колхоз'ёсысь но Пытцамской сельсоветысь „Красный факел“ но „Красная звезда“ колхоз'ёсысь

колхозник'ёс дышетскыны Ильинск селое ветло.

Дышетсконлэн нырысь нуналаз ваньзы дышеткисьёс нимаз-нимаз взвод'ёслы но отделениослы люкылымн. Со бере проработать каремын вал дисциплинарной устав но дышетскизы строевой подготовка. Нош мукетаз час'ёсы дышетскизы противоздушной но противохимической обороналы. М. Рябев.

Образцовой дисциплина

Вить нунал занятиосы ортчизы ини Бурановской сельсоветысь трудящийёс. Соос тодматскизы винтовкаен, противогазэн, дышетскизы строевой подготовкакн, изучать каризы дисциплинарной уставез.

Командир'ёс асьсэлэн подразделениосазы, занятиос кутскем бере ик дисциплинаез образцово пук-

тызы. Ваньзы эш'ёс занятиосы дырыз дыр'я ветло.

Занятиос тупатэм расписания мыно. Противоздушной но противохимической оборона дышето интысь дышеткисьёс, нош командир'ёсын ужало райвоенкоматэн назначить карем мурт'ёс.

А. Тарасова.

Паласькись висён'ёсты кылдыны ум лэзе!

Военной дырлэн условиосаз матэктись кезыт'ёс ваё бёрсызы паласькись висён'ёслэн кылдонзылэсь кышкытлыкэс, нимыстыз ик сыпной но возвратной тиф'ёсты.

Тодмо, что асьме советской государство сюлмаське трудящийёслэн тазалыксы сярсы. Асьмелэн ученёисмы паласькись висён'ёсын нюр'ясконлэсь усъто весь вылэсь но вылэсь амал'ёссэ. Асьмелэн кемалась ни быдтэмын тросэз кышкытлыкэс висён'ёс, сычеосыз, кыче ке чача но холера, куд'ёсыз царской Россиын арлы быдэ нуыллызы дасо сюрс'ёсын адямиослэсь улонзэс. Сыпной но возвратной тиф'ёс пумиськыло туж шер.

Военной дыр куре удесятеренной санитарной саклыкэс. Фронтлэн мышказ паласькись висён'ёс кутыкыса капчиен быгатот фронтэ шедыны но боец'ёсты стройысь поттыны, куд'ёсыз защищать каро асьме родинаез. Овёл лэзёно паласькись висён'ёслэсь

кылдонзэс—тйни асьмелэн задачама.

Но здравоохраненлэн орган'ёсы огназы, миллион'ёсын трудящийёслэн активной юрттэтсытэк, лэстыны сое уг быгато. Трудящийёс настойчиво повоенному юнматон луо санитарной дисциплинаез, тодазы возыса, что соин соос озы ик юрто родиналы адземпотонтэм тушмонлы пумит нюр'яскыны.

Паласькись висён'ёсты предупредить каронлэсь огшоры правилооссэ эскерон—котыкуд советской адямилен долгез.

Та правилоос туж огшорысь но капчиен быдэсмисесь: чылкыт возёно улон интыосты, быдтоно насекомоёсты-паразит'ёсты (сыпной тифен адямиос заразиты карыско тэй куртчемлэсь, нош возвратноен—урбоос куртчемлэсь); регулярно ветлоно мунчо (ожытсэ вераса арнялы одиг пол); чем воштылоно бельез; чышконо йырсиез; одно ик миськоно киез сёрсэ потам бере но котыку

Сахарной кушманэз кизыны понна инты быр'ён

Сахарной кушман дуно технической культураен луэ. Основной продукт—сахар сяна, та кушман сётэ куар, жом но патока.

Районыстымы колхоз'ёс вуоно арын нырысьсэ асьсэлэн бусыосазы сахарной кушманэз будэтозы, соин ик колхоз'ёслэн правлениоссы умой малпано луота вопросэз, малы ке шуид, сахарной кушман кулэ каре умой дасям муз'емез но уялтэмез.

Сахарной кушман кизыны инты вис'яку, муз'емлэсь но куазылэсь пёртэмлык'ёссэ сяна, лызэ одно ик басытоно таче момент'ёсты: сахарной кушманэз капчиен будэтон понна, сое чылкыт инты кизёно, отын жуг-жаг турынез медаз луэ; тужгес ик сыче интыосы, кытын овёл сыче злостной корневищной но корне-прысковой жаг турынез (пёртэм йёныос но нюж кыстыськись пырей).

Сахарной кушманлы умой предшественникен луэ жег кизем бервил, кудыз кыедамын кыед вуэн, клевер но мукет тросар'ем турынез муз. Та инты поттэмын мед луоз гектар вылэ 20 тонна умой сисьмем кыед. Органической удобренияос сяна, азотной, фосфорнокислой но калийной, удобренияос но пенъ поттоно. Мур гырем инты гектар вылэ одно ик пазыске 2 центнер суперфосфат, нош рад'ёсы кизён дыр'я гектар вылэ сётиське 1—1,5 центнер.

Сахарной кушманэз кизёнлы комбинированной машина овёл дыр'я но рад'ёсы суперфосфат пыртыны

луонлык овёл дыр'я, сое тулыслы дасяса, мед луоз пазыны культиватор улэ, котыкуд гектар вылэ 1,5—2 центнер. Фосфорной пызь пазыске сизыыл кын улэ гырон дыр'я.

Сахарной кушманэз умой дасям муз'ем вылэ кизёно. Сое кизён интыез—сизыыл мур гырыку котыкуд тар вылэ пазыно быдэн одиг центнер калийной удобренияосты. Калийной удобренияос инты кутыны луэ гур но куро пенез. Пенен кыдасько ванъ пёртэм почваос котыкуд гектар вылэ быдэн 6—7 центнер основной вспашка дыр'я яке тулыс нырысь усыян улэ.

Сахарной кушман кулэ каре умой дасям почва вылэ киземез. Синмаськымон урожай со сётэ соку гинэ, ку солы дасям инты мур гыремын но почва умой бугыртэмын.

Сахарной кушманэз кизён понна кызы ке кын улэ, озы ик пар улэ 22—25 сантиметр мурда гыроно. Лазег гырыськись интыос скырыку быр'ёно мур гырыны луоно участок'ёсты. Гыроно сй лэзомыку кулэ одно быдэс участкакн сое муратыны 1,5—2 сантиметрлы. Правилоя,—гырыны быр'ёно сыче интыез, чтобы гырон сй мур мед луоз.

Сахарной кушман улэ гырем участок'ёс вылын лымыез толалтэ тросгес дугдытоно, соин ик толалтэ азелы сахарной кушман кизыны гырем интыосын пёртэм лымы кутон'ёсты лэстыса дасяно.

Маурин, райзолэн заведующеез.

Картофка копамын

Туэ арын районысь колхоз'ёс картофкалэсь синмаськымон урожайзэ будэтизы. Будэтэм урожаез дыраз но выли зечлыкэн октыны-калтыны понна сюлмаськись котыкудыз колхозник но колхозница.

Картофка копанэз азинлыко йылпум'яны тужгес ик сюлмаськись Ср-Кечевской, Кечурской но куд-ог мукет сельсовет'ёсысь колхоз'ёс. Район'я картофка копанэс нырысен быдтизы Ср-Кечевской сельсоветысь „Лебедь“, Кечурской сельсоветысь „Победитель“ колхоз'ёс.

Районысь колхоз'ёс туэ арын картофкалэсь урожайзэ басытизы гектарысь, шорлыдын вераса, 350—400 пуд. Синмаськымон урожай будэтиз „Янгалиф“ колхоз. Со котыкуд гектар вылэсь 600 пуд картофка басытиз, та колхозлэсь бере ёз кыле „Ильинск“, „Победитель“ но куд-ог мукет колхоз'ёс.

13 октябрь азелы картофка копан районысь тросаз колхоз'ёсын йылпум'ямын.

А. Коякова.

Действующий Армия

Красной Армилен доблестной боец'ёсыз басыло быдэс Советской Союзлэн гурт'ёсыстыз но город'ёсыстыз трудящийёслэсь аратыса ыстэм кузымзэс.



Н-ской подразделенилен боец'ёсыз Д. В. Маркин (паллянысез) но Н. Н. Китков, куд'ёсыз азыпал линиин Донбасслэн шахтер'ёсызлэн кышноосылэсь салам'ёссэс басытизы.

ТАСС-лэн Фотоез.

Боец'ёслы—шунит дйсь

Красной Армилен боец'ёсыз понна юн сюлмасько райцентрысь домохозяйкаос. Соос пёртэм шунит дйсьёс дасяло но приемочной пунктэ нуыса сёто. Та ни, Н. Комлева эш боец'ёслы ыстыны понна сётыз одиг пар шунит белье, Мерзлякова эш сётыз шунит дэрэм, Чушкон но шунит бивалтон. Озы ик шунит дйсьёс сётызы А. Иванова, Варнина но данак мукет'ёсыз эш'ёс. Шунит дйсьёсты люкан мынэ на. К. Оснина.

Редактор—В. Тимофеев.